

# I BULONDOSI



...Elyo kuba okuno kuzo komba antomwe andinywe. Elyo lino kakutanaba biyo Mulumbe, Ndi jisi mweenzuma mubotu awa aa cibumbili sunumasiku, Mwiyi Lee Vayle, uuzwa ku mbungano Ntaanzi ya Baptisti ku Lima, Ohio, oyo wakali umwi wa basikugwasilizya bangu ku muswaangano waku Lima. Nda mubuzya, katu selemuka sunumasiku, ikuti na takoamba majwi ku mbunga, ndiza kujatikizya ku muswaangano waku Lima, ku ciindi citobela na zyobilo. Elyo Ndili kkomene, botelwa kuzibya kuli ndinywe sunumasiku, Mwiyi Lee Vayle, muna Baptisti umbi ujisi Muuya Uusalala. [Kabeela katakwe cintu aa teepu—Mul.]

<sup>2</sup> Ameni. Leza aku longezeye, Mukwesu Vayle, ayebo.

<sup>3</sup> Eco nciyumu kapati ku mweembeli wa Baptisti, tii cali obo? Ee, tuli boteledwe kuba a Mukwesu Vayle antomwe andiswe. Elyo ncobeni milyango ili jukide kuli nguwe kujokela a kuzo tuswaya kufumbwa ciindi na konzya. Elyo lino sunumasiku . . .

Juunza masiku ng i—I *Kubikkwa Mukabanda* kwa Mwami Jesu.

<sup>4</sup> Munsondo kuseeni nkuswaangana kwa kupasuka kwazuba aa sikisi okuloko. Elyo Ndi syoma kuti mukwesu waambilizya cibeela cambele ca kuswaangana.

Lino atu kombe kwa kaindi kasyoonto.

<sup>5</sup> Lelekwe Mwami, Ijwi Lyako Mbwini, alimwi tuli lumbide ku muntu uli Langanya, cakutayoowa, mbuli mboba Lipa ku bantu. Alimwi mbuli mbo tu jula Bbaibbele sunumasiku, na kuvununa mapeegi Alyo, akube kuti Muuya Uusalala ulelekedwe usike akujula Ijwi lya kumvwisya kuli ndiswe. Kwiinda muli Jesu Kristo, twa cilomba. Ameni.

<sup>6</sup> Obu mbusiku bulemu mbo tusekelela, zya kubambulwa kwa Mwami ulelekedwe, Ndi yanda kubala sunumasiku kuzwa ku milomo Yakwe Mwini iyandisi, Majwi ayo Nga kalemba mu Bbuku Lyakwe. Mu Musalali Matayo, chipati ca 4, tu . . . alimwi kampango ka 47 a 48, tu bala obu:

*Elyo ikuti na ka mujuzya babunyoko balikke, ino mu cita nzi kwinda bamwi? sena nobaba basimitelo taba citi obo?*

*Pele amu londoke, akwalo mbubonya Uso wanu uli ku julu mbwa londokede.*

<sup>7</sup> Elyo sunumasiku twapa kuti tuyo kanana aa ciiyo ca *Bulondosi*. Lino tu . . . Eco cilibonya mbuli cibalo ceenzu cakubweza sunumasiku ca bubuke bwa Mwami wesu. Pele sunu, antela, mwali kuswiilila ku redio, a kumvwa milumbe iindene

a batumwa, nzila mbo batondezya buzuba bubi cindi Mwami wesu naka fwida zibi zya inyika. Aboobo Nda sala, sunumasiku, kweengulukila ku nzila yandeene, kusika kuli njiyo, aboobo ciyooba candeene aniin alimwi ndiza ku mukatulusya aniini. Elyo akube kuti Muuya Uusalala ulelekedwe unanike Ijwi lino mbuli mbo tubweza kusoleka ku Li leta.

<sup>8</sup> Leza uyanda bulondosi. Tu yanda kubikka ceeco mu mizeezo, kuti taakwe cintu cita maninide buyo cikonzya kunjila mu Busyu bwa Leza. Ce elede kulondoka, kukomba kwesu, zintuzyonse.

<sup>9</sup> Lino, mu muunda wa Edeni, Leza waka jisi Adamu a Eva mu muunda. Elyo baka bisya a kusotoka milao ya Leza kwinda kukubisya, kutaswiilila. Elyo cindi nsotoko niya kasika, kutaswiilila nkusotoka mulao. Elyo mulao wa Leza, Walo mukuba uusalala, uusalala ncobeni cakunjoloma, nkikaako taakwe kaimba ka busofwi kukonzya kusola kuba mu Busyu Bwakwe. Aboobo, ikuti na cibi cakasika mu inyika kwinda ku nsotoko, nkokuti cibi ceelede kubelekwa sizibi katana konzya kusola kwiimikila mu Busyu bwa Leza.

<sup>10</sup> Lino, ikuti na takukwe mulao, mpawo ta kukwe kululama. Pele mulao wakayanda, na, kululama kuyanda mulao. Elyo mpawo mulao, cindi walo wa—walo waitwa, utondezya kululama.

<sup>11</sup> Lino, ku mulao, taakwe muntu uufutulwa. Lino, mulao taikonzyi kutu futula. I mulao cakali cintu buyo caka tubikka mu ntolongo, pele tau jisi nguzu zyakunununa. I mulao wakatondezya biyo kuti twa kali basizibi, akutupa mulandu. Eco nce ncico mulao nco weelede kucita. Nku leta kupegwa mulundu, na ku mutondezya awo bulubizi bwanu mpobubede. Aboobo mulao, muli lwawo, taikonzyi kufutula. Wa kakonzya biyo kuzeka twaambo.

<sup>12</sup> Elyo Leza, mukuba uusalala a ululeme, Wa kacita kuba a kuzeka. Wa kacita kuzekesya sizibi nkaambo wa kalanduka minyinda ya luzyalo, alimwi wakaba sicisi uutyola milao. Mpawo, weelede kubelekwa.

<sup>13</sup> Elyo mulao aumwi ujisi cisubulo, nkambo, cisubulo ca kusotoka mulao wa Leza ndufu. Elyo caka tondezya lufu ku mukowa wabantu. Alimwi onse mukowa wabantu uli kungsi lya cisubulo eci ca mulao.

<sup>14</sup> Lino, cindi Adamu a Eva nibakabisya, kwakanyina nzila, taakwe cisilisyo cimbi cakasola kwiimikila mu Busyu bwa Leza alubo, cita eci cibi cabelekwa. Elyo taakwe muntu ukonzya kubisya ca musyobo uli onse, takukwe makani mbwali muniini na mupati, eco cibi cigame ceelede kubelekwa umwi oyo wakacicita katana kusola kwiimikila mu Busyu bwa Leza Uusalala.

<sup>15</sup> Aboobo, nkikaako, cindi Adamu a Eva niba kabisya a kusotoka mulao, baka lelwa ku lufu. Elyo mulao wakayandika kucitwa, nkikaako caka bikka mukowa wabantu onse kungsi lya cisubulo ca lufu. Lino ikuti na twa konzya kukkalikila kwa ciindi cisyoono, mu kuyeeya kwesu, a kulanga eci cifwanikiso cipati, a kuyeeya kuti muntu aumwi ano ulisangene muli ceeci. Aumwi mwaalumi a mwanakazi, mwana, uli sanganisidwe mu cisubulo ca lufu, kwinda ku nsotoko ya mutwe wa mukowa wabantu, Adamu; kwinda ku nsotoko yakwe, umwi aumwi wesu wakaba cisaalo ku cibi.

<sup>16</sup> Elyo cibi ceelede kubelekwa. Elyo aboobo, Leza, mu bupatikampatila Bwakwe bulemu a luyandisyo Lwakwe lupati. . I mulao wa keelede kupambula sizibi kuzwa ku Mulengi wakwe; mpawo wa kaba unyonyooka kumaninina, a kunyonyooka do, nikwaka bula nzila kuli nguwe yakusola kujokela citakuti eco cibi cakabelekwa. Elyo nicakaba citete loko mpawo kusyoma mu kunyonyoonwa do kwa sizibi ku magolelo, nkambo uli pambwidwe, calyonse kuzwa ku Busyu bwa Leza.

<sup>17</sup> Lino amubone eci cibi. Elyo obo Leza, mukuba ululeme, nkabela Ta kakonzya kucita cimbi pele kuba ululeme, nkambo Ngo kasensa ka kululama konse, mpawo nikwaataba cintu cimbi kuli Nguwe cakucita cita kubikka cisubulo ku nsotoko eyi. Elyo cisubulo cakali ca lufu, nkambo Wa kati, “I buzuba mbo muya kulya kuli nguwo, obo buzba muya kufwa ncobeni.” Lino, cifwanikiso cisiya nco tu jisi awa.

<sup>18</sup> Pele mpawo ikuti na twa piluka kuyaambebele aniini, akuziba mbubonya bube bwa Leza, Bbaibbele lila twaambila antangalala kuti “Leza nduyandisyo.” Pele nekuba, mukuba luyandisyo, We elede kuba ululeme. Aboobo, luyandisyo ta lwaambi buyo cintu eco cikonzya kubebekwa a kusobanisigwa. Luyandisyo nkululama kwa Leza.

<sup>19</sup> Lino, cindi Leza nakabona kuti bana Bakwe baka sotoka mulao Wakwe, akuti ba keelede kufwa, mpawo luyandisyo lupati lwa kanjila kubamba nzila. Nkambo, Leza wakabona kuti aba bana bakali nyonyookede, nconzyo cakumaninina kuzwa ku Busyu Bwakwe. Kwakanyina cintu cimwi cakali kukonzya kucitwa, nkambo baka sotoka mulao Wakwe, a cisubulo ca mulao Wakwe lwakali lufu.

<sup>20</sup> Elyo mpawo luyandisyo lwa Leza lwa kaunkila balelwa Bakwe. Elyo cindi luyandisyo lwa Buleza lwa yutuka, luzyalo lupati luleta cintu ca luyandisyo. Elyo Leza, ku kuzibakale, cindi Na kayanda mukowa Wakwe kabotu loko; nekuba, a cisubulo, Wa kacitya lufu lwiiminina kubweza busena mu muunda wa Edeni. Eco cakali, Wa kaimika cilenge citakwe kaambo, kabelele kaniini katakazyi cibi, alimwi kakaba ciminizyo, ku kubeleka a

kufwa mu cibaka ca sizibi ujisi mulandu. Elyo kakali kabelele, kakajaigwa, kakujata buumi bwa balelwa Bakwe.

<sup>21</sup> Kwinda monse mu Cizuminano Cakale baka tuula bulowa bwa tubelele a mpongo, mbelele, bapoho a mpwizi, lufu lwakwiiminina. Pele, zyonse mu buvubi bupati bwa Leza, zyakali kaindi mu mizeezo Yakwe zya Cintu cini kaciboola, eco cakali kunga. . . Zya kali zimvule zya Cintu cini eco cakali kuboola. Elyo Cintu cini caka boola, wakali Mwana Wakwe simuzyalwa alikke. Toonse tubelele twa kafwa cakali cimvule biyo. Elyo cimvule ndubazu lwa negativu biyo ya cintu. Elyo zya kaamba biyo Kalivari yakali kuboola.

<sup>22</sup> Lino ku cifwanikiso ca ceeci, atu jule mu Mabbaiibbele esu, ku Bbuku lya Bahebrayo, a kubweza awa eco Paulo, muapostolo mupati nca kanana, kusola kupambula zintu ezi kuli ndiswe. Mu chipati 10 ca Bbuku lya Bahebrayo, tu bala boobu.

<sup>23</sup> Elyo Nda liyanda nconzyo Ijwi! I Ijwi Mbwini. Alimwi Ndi yanda ku Li bala kumbele lya mbungano yangu, nkaambo Ndi lizi kuti mu lubeta Njoi imikila a mbabo. Elyo Nde elede kuyo peda bulunguluzi. Aboobo ikuti na Nda Ci leta kuzwa ku Ijwi, nkokuti Nse kazulwi; nkaambo Ndi Ijwi, alimwi Leza ulaa makani ku Ijwi Lyakwe.

<sup>24</sup> Tula bona banji kapati sunu, kwa bavangeli abamwi, kabayaka zyabugame konse. Oh, cintu ca mause! Elyo tula jana, mu kunjila mabungano, tula njila mbungano akujana mweembeli umwi, uujisi mucito umwi muniini musalesale kujatikizya nguwe, kulimvwa kumwi kuniini. Ikuti na tamu langisyi, mbunga yoonse iyobweza muuya oyo. Ikuti na ngu sikulimvwa buyo aniini, na kuguna guna mutwe wakwe, na cintu cimwi ciniini cigambya, ee, mbungano yonse uyo wida ceeco. Elyo tu leelede, sunu, mu mabungano esu aasunu, oko kuli kunyanyamukwa a zintu ziniini mbuli ezyo. Elyo kubaa kunyongana kuli obo! Pele, oh, bakwesu bayandwa, ikuti na kwakali ciindi notweelede kuba ku Ijwi, ndi sunu!

<sup>25</sup> Nywebo mwabona, inga Nda bijilwa kuyo imikila ku lubeta a kuziba kuti Nda kajisi cintucimwi cicina cina kanji ca ciyubunuzyo cimwi cisalasale, a kusweesya bantu. Ta ndiyandi kuti batambule muuya wangu ku micito yangu, pele Ndi yanda kuti batambule Muuya wa Leza kwinda ku Ijwi lya Leza, eelyo lileta Bwini.

<sup>26</sup> Aboobo a kucitika oku kupati sunumasiku, Ndi yanda kubala kuzwa ku Ijwi lya Leza Litamani. Lino tula mvwisya kuti mulao wakaliko kwa myaka minji, pele mulao tii wakakonzya kugusya cibi. Mbuli Mbwe kaamba kaindi, kuti yakali buyo ng'anda ya bwaange. Wa kali musilikani mupati ulanganya milandu waka mwaambila eco ncomwa kacita, pele kwakanyina cisilisyo caku movuna. Caka mubikka mu cintoole cankongole, pele twa kanyina Munununi waku mugusya, a ncico. Ci

mwaanga biyo, ku muzibya kuti mwakali basizibi. Pele lino amubone mu Bahebrayo, chipati ca 10, mbuli mbo tubala.

*Nkambo muloa mukuba cimvule ca zintu zibotu zyakacili kuza, akutali cinkonzya cini. . .*

<sup>27</sup> Amuyeeye, cakali cimvule ca cinkonzya cakali kuboola. Ii cimvule cizibya biyo kuti kuli cinkonzya cipanga cimvule. “Ii cimvule ca zintu ziciza, kutali cinkonzya nciconya.” Amubone, “ca zintu. . .”

*. . . nciconya cinkozya ca zintu, ta zikonzyi a zituuzyo ezyo zya ka tuula. . . kuzumanana kubamba sikuboola ku kulondoka.*

<sup>28</sup> Lino, Leza, ku matalikilo, wakayanda bulondosi. Jesu, cindi Na kasika a nyika, wakati, “Amu londoke, mbuli Leza uliku Julu mbwa londokede.” Elyo mulao, mukuba cimvule ca zintu zyakacili kuza, tii zyaka konzya kulondola mukombi. Mwa cibona cifwanikiso na? Lino atu cilange alubo kutegwa mube masimpe kuta ciimpya. Leza uyanda busalali bulondokede. Taakwe muntu ukonzya kwiimikla mu cinkozya Cakwe, a kabeela komwe kaniini ka cibi. Jesu wakapeda bumboni mbubonya, nkabela wakati, “Amu londoke, mbubonya mbuli Leza uliku Julu mbwa londokede.”

<sup>29</sup> Elyo Bbaibbele lya kati, “I mulao tii wa kakonzya, a zituuzyo zyawo, kulondola sikuboola.” Mpawo, mulao tii wa kakonzya kulondola cili conse. Wa kali sikutondeka luzutu. Ezi zituuzyo, zyakacitwa amwaka, tii zyakakonzya kulondola mukombi. Aboobo nkikaako, taakwe umwi kungsi a mulao, na kubamba milao, na kungsi lya zimvule, kukonzya kulondoka.

*Nkambo (kampango ka 2) mpawo nizya takalekwa ku tuulwa? . . .*

<sup>30</sup> Ikuti na kuli cimwi Nce konzya kucita kuli londola lwangu mu Busyu bwa Leza, mpawo Kristo ta keelede kufwida ndime. Ikuti na kuli cimwi ncokonzya kucita, eco cinga capa bweelelo bumwi mu Busyu bwa Leza, nkokuti Kristo wakafwa cabuyo. Kwiina kubamba milao, kwiina mizeezo ya tulaolao wako, taakwe busalali bwako omwini, taakwe cintu nco kakonzya kuleka kucita, kuleka kubeja, kuleka kubba, kuleka kufweba tombwe, kuleka kuya ku zipekapeku, uci sweekede. Taakwe cikonzya kucicita! Kusangana mabungano, zilengwa, kusekelela, lubbizyo, malailile aa mbungano, kubala tuyanza bwabuzumini, kwaamba mipailo, zyonse zintu ezyo inga teezyaamba cintu. Uli sweekede! Taakwe cintu comwe ncokonzya kucita muli lwako, nkambo uli sizibi kungsi lya kuzulwa. Alimwi takukwe nzila mukati kako, na kamwi kayanza kabuzumini, na kufumbwa eco nco konzya kuyeeya, lwako, cikonzya kupa bweelelo ku cintu comwe mu Busyu bwa Leza, nkambo uli sizibi ku kutalika.

<sup>31</sup> Alimwi Bbaibbele lilungulula kuti, toonse twa kazyalilwa mu cibi, kabambwa mu milandu, kaboola ku inyika kuzo beja. Alimwi Leza taka konzya kubweza muntu omwe kuti afwide umbi, nkaambo umwi waka jisi mulandu mbuli buyo umbi. Mu Busyu bwa Leza, archbbishopuo wakazyalilwa mu inyika eyi wakali amulandu mbuli mukolwi wamu mabbiyaholo uubaukide kwinda mu dolopo. Umwi ta konzyi kulungila umbi.

<sup>32</sup> Nkikaako, Wa kabweza buumi butakwe kaambo bwa munyama, kabelele kaniini. Elyo kungsi lya Cizuminano Cakaindi, mulao wakali, cindi muntu nakabisya, wa kaleta kabelele ku cipaililo. Kwaamba mbuli kuti wa kasotoka umwi wa milao ya Leza, wa kaleta kabelele alimwi wa kakabikka aa cipaililo, wa kabikka maanza akwe aa kabelele alimwi wa kalyaambilila zibi zyakwe, kuti ta kaluzi alimwi wakalizi wa kajisi mulandu. Kwa...alimwi wakali...I mulao wakayanda lufu. Alimwi wa kaleta kabelele mu busena bwakwe. Elyo cindi na...I kameneno ka munyama muniini kakatendwa, elyo kakatalika kubbansa maulo ako maniini, a kulila. Ikuti na wakasola kubona kabelele kakajaigwa, ino nkuli kuusisya nsoni! I kantu kaniini kacete kasola kulila, nkabela nsinga yako niini yamu singo yatendwa. Elyo mbuli mbo kabbansa a kugwinya, alimwi mbuli mbo kololoka, mpawo kugwinya alubo a kulila, alimwi bulowa bula poomoka, katetya boya kwankako busyoonto a maanza aa mukombi.

<sup>33</sup> Elyo mbuli mukombi mbwa ziba, kucita mamambi, nkambo ka kubeya, kubba, kufumbwa kuzulwa kwakwe mbo kwaabede, na nokuba kuyeeya bubi, kufumbwa mbo cakabede mu cimvule ciniini kwinda, wa kali zulidwe, nkaambo bwakali bupange bwakwe. Wa kali muntu sikuzulwa, kuti ndiza ku kuyanda, pele ku bupange wakali zulidwe. Alimwi wa kaziba kuti aka kabelele kaniini katakwe kaambo kakafwa mu busena bwakwe. Elyo wa kalimvwa kuusa ku cintu ciniini.

<sup>34</sup> Pele muntu, kabelele mbo kakafwida buyo kumalekelo, a bulowa bwa kabelele mu maanza akwe, wa keenda kuzwa mu buyake a kuyanda nkukonya mu moyo wakwe, oko nkwa kajisi ku matalikilo. Nkaambonzi? Nkaambo buumi bwakali mu kabelele kaniini. . . Buumi bulede mu bulowa. Buumi bwako buli mu bulowa bwako. Tu lizi obo. Elyo buumi mu bulowa bwa kabelele bwakali buumi bwa munyama, nkikaako cindi maseelo atuba nakapasuka a buumi bwa kazwa ku munyama, tii bwakakonzya kupilukila ku mukombi, nkambo mukombi wakali muntunsi.

<sup>35</sup> I bulowa bwakabamba civumbyo, pele tii bwaka konzya kulungila cakulondoka; nkambo muntu wakasiya buyake, a kuyansiya nkukonya ku cibi, mbuli nkwa kajisi ku kutalika. Pele, kucita boobu, wa kali kulangila kumbele ku ciindi nikwa kali kuya kaboola Kabelele kalondokede. Elyo wa kacita aa cipaizyo cakuumpa, nkaambo yakali nzila ilikke nja kazyi.

<sup>36</sup> Aboobo, nywebo mwabona, cindi bulowa nibwakali kutika, alimwi buumi bwakazwa ku munyama, tii bwaka konzya kupilukila ku muntu; nkambo, umwi wakali munyama, umwi wakali muntu; munyama uutakwe kaambo, ku muntu uzulidwe.

<sup>37</sup> Pele, oh, buzuba bumwi, myakali iili zyuulu zyobilo yakainda, Kabelele wa Leza wakazyalwa kumusanza mu cilido ciniini mu Betelehemu, alimwi wakasololelwa mbuli mbelele ku cijailo cayo. Myaka yakainda ya cuulu comwe a myaanda iili fuka, aya masika, aa thrii okuloko Wa kafwa. Elyo Kabelele wa Leza, uutakwe kaimba abutongo waka lengelela aa ciingano ca Kalivari akufwida sizibi aumwi. Lino cindi mukombi aboola ku Kabelele aka, ku lusyomo! Elyo eci cakali cikozyano ca Kabelele. Ta kali Kabelele mbuli kambu.

<sup>38</sup> Taakwe muntu ukonzya kusika ku Kabelele aka, cita Leza wamukwela lutaanzi. Sa mwakabona kulyeendelezya kwa Leza? Oh, Nda syoma eci camvugwa kusakana kapati lino. Amulange. Leza wakalizi kuti Wa jisi mbelele mu inyika. Wa kalizi kuti Wa kali kuyooaba a bantu baya kufutulwa, nkabela luyandisyo Lwakwe lwakalanga ansi a kubona abo bakalino futulwa; nkikaako, ku kuzibakale, Wa kakanza Mbungano kuyo Mu swaangana kutala iitakwe kaimba na kabala. Elyo ikuti na Leza wakayanda Mbungano iitakwe kaimba na kabala, Wa kayandika kuba acintucimwi ku cibamba boobo. Ta kakonza ku ciyanda, kululama Kwakwe, imbeta Zyakwe teezyaka Mu lekela kuba a cintu cili boobo ikuti tii kwakali nzila yaku cibamba.

<sup>39</sup> Elyo muntu takonzyi kucicita muli lwakwe. Ngu sikukakilwa umanide. Leza waka mulekela kulanga kwinda mu mulao, kwinda mu babetesi, akwiinda mu Cizuminano Cakaindi coonse. Wa katuma basinsimi, Wa katuma bantu balulami, nkabela baka jana kuti umwi aumwi waakakilwa.

<sup>40</sup> Aboobo, Leza, ku luzyalo Lwake lupati, wakatuma, kuzwa mu milyango yeebeka ya Bulemu, Mwana Wakwe simuzyalwa alikke, kuzo tola busena bwesu.

<sup>41</sup> Amuyeeye, ikuti Na kaambila poopu waku Rome ku bubweza, nata kacicita. Ikuti Na kaambila archibbishopu wa Canterbury ku cicita, nata kacicita. Ikuti Na kaita umwi taata mufundisi uusalala kapati na bbishopu wa inyika, nata kacicita. Na kakakwa kulaale mbubonya mbuli Judasi Isikariote mbwa kabede. Nata kacicita, nkaambo wa “zyalilwa mu cibi, kubambwa mu milandu, kaboola ku inyika kuzo beja,” nkabela wakali kuyanda mulungo mwini.

<sup>42</sup> Aleluya! Pele mpaawo kwakasika Umwi kuzwa ku milyango yeebeka ya Bulemu; taakwe umbi, kwiina muntu, kwiina muntu mubotu, nanka mu Juda naa Munamasi. Ta kalela kuba Leza Singuzuzyonse, wakalisisa mu mubili wabuntu. Wa kasika, Mwini, kuzo tuula Bulowa Bwakwe Mwini, nkambo Tii bwakasika kwiinda ku nkwela. Nkwela tiiya jisi cintu caka

kucita ancico. Pele Wa kavunikila nakalindu, akuleta seelo lya Bulowa Ndyala kalenga, Mwini, Umwi uutakwe kaambo.

<sup>43</sup> Mpawo lufutuko lwangu, lwanu, sunumasiku, talu simpide aa bweelelo bwa micito yanu ini. Bu simpidwe aa luzyalo lwini lupati lwa Leza Singuzuzyonse Oyo waka tusala muli Nguwe. Ncamasimpe. Nse kakonzya kulondoka, nanka yebo toka konzya kulondoka. Alimwi ta tutaminini kuba balondokede. Pele tu jisi luumbulizyo olu lomwe, lwakuti, lusyomo lwesu luli mu Cituuzyo cilondokede eco caka tambulwa kale!

<sup>44</sup> Mpawo mbobuti mbo tunjila muli Eco? Cindi mukombi abikka maanza akwe, ku lusyomo, aa mubili wa Mwami Jesu, akumvwa kuyoowa kupati kwa cibi, a kusabula kwa kuswida mu busyu Bwakwe Mwini, kumvwa kutongela kwa Gesemani, kufwaba kupati kwa Kalivari, akuziba kuti wakazulwa, nkabela ulyaambilila zibi zyakwe cakululama, “O Mwami Ulelekedwe, Nda kazulwa. Alimwi Nse kajisi nzila imbi pele Wa kandi gwasya. Elyo ku lusyomo . . . Ula ita, Muuya Uusalala, wa boola akundiita kusika. Elyo Mebo lino, ku lusyomo, nzumina Jesu mbuli Mufutuli wangu wacigaminina.” Obo Buumi bwakazwa kuli Nguwe aa Kalivari, butegwa Muuya Uusalala, obo bwakabikkwa mu seelo lya Bulowa ilya Mwami Jesu, kubweeda ku mukombi a kumu bbizya ku Muuya Uusalala, mu Mubili wa Kristo.

<sup>45</sup> Elyo Wa kabetekwa kale. To elede kulibikila kujatikizya lubeta. Mbuli Mbwe nyona akulanga ku kapingano ako kaniini, Nda ziba kuti eco . . . iminina mubili Wakwe. Elyo lino mubili oyo waka betekwa kale. Leza ta konzyi kucibetaka alubo, nkambo caka betekwa kale. Leza wakauma imbata zya lufu aa mubili oyo. Alimwi kufumbwa kuti Nke konzya kujana nzila yakuyuba mu mubili oyo, Lubeta Lwakwe waka uminwa ndime a ndinywe. Tula angulukide! Baroma 8:1, kati, “Aboobo lino taakwe luzulo kuli baabo bali muli Kristo Jesu, cakuti ta tweendi mbuli kunyama, pele mbuli Muuya.” Mpaawo we, taakwe kuzulwa! Ta ndikwe makani eco ciboola na eco ciinka, uli sisidwe kuni lya Bulowa.

<sup>46</sup> Alubo, ino inga twa njila buti mu Mubili oyo? Bakorinto Bataanzi 12:13, yaamba kuti, “Ku Muuya omwe!” Ino Muuya uboola buti? Kwinda ku Cituuzyo. Mpaali Muuya mpo wakabede? Mukati ka Bulowa. Nkaambonzi munyama ncata kabweeda? Wa kali munyama. I muuya wa munyama tiiwa kakonzya kusika ku muuya wabantu akucita cili conse kuli nguwo, nkaambo muuya wabantu wakali mbali yaatala loko ku buumi kwiinda munyama. Pele taakwe muuya umbi wa muntu wakakonzya kujokela. Ikuti na ujisi muuya wa sinsiku umwi, nciimo camizimu. Pele Leza Mwini wakasika, kutegwa Muuya Wakwe Mwini, uli ni mbali yaatala loko ya muuya uliko, inga wajokela mu ciwa ca lubbizyo lwa Muuya Uusalala, ku



mukombi, kwiinda mu Bulowa bwa Kristo, a kumu bweza kunjila mu Mubili. Uli kwabilidwe!

47 Amulangilile. I bulowa bwa bapoho a mpongo tii bwakabeleka, mukubona kuti bwakali kompeme. Lino atu talika kubala, kujatikizya kampango ka 12. Yaa. I bulowa bwa bapoho a mpongo tii bwakakonzya kubeleka, naanka kukonzya kulungila. Amulangilile.

*Pele oyu muntu, (Uli Muntu? I Bbishopo na? Peepe. I poopu na? Peepe.) . . .*

*Pele oyu muntu, na kamana . . . kutuula cituuzyo comwe ca cibi kwalyonse, waka kkala ku janza lyalulyo lwa Leza;*

*Kuzwida eelyo kulangila mane basinkondo bakwe bakabe butandabilo bwa mauulu akwe.*

48 Sena muli libambilide? Sena muli libambilide ku Ijwi? Amuswiilile kuli Ceeci, mpawo Ndi kuti mu Ci lekela kumvugwa kungsi. Amuswiilile kabotu.

*Nkambo ku cipaizyo comwe (kutali mwaka a mwaka, kutali lubukululyo kwamana lubukululyo, kutali muswaangano kwamana muswaangano, kutali buzuba kwamana buzuba) . . .*

*Pele ku cipaizyo comwe wa ka l-o-n-d-o-l-a (bali jisi? Uli jisi!) . . .*

*. . . ku cipaizyo comwe wa ka londola (eco nceelelo ca Leza) kwalyonse abo baka salazigwa.*

49 Mpaawo we. Obo mbo bwiinguzi ku lufu lwa Kristo. Obo mbo bwiinguzi ku Kalivari. Walo ncimanizyo, a Bulowa Bwakwe Mwini, wakaula zibi zyesu, a kulondola kwalyonse, basyomi Bakwe. Nkikaako, muli Kristo tula imikila kakutakwe kabala, kulondolwa mu Busyu bwa Leza Singuzuzyonse. Tuli bantu bali kungsi lya zyoolwe, a njiisyo zyesu tobeni; toonse tw akayiisigwa kuti tweelde kutanta ku busena bumwi, tweelede kucita cintu cimwi. Peepe, mukwesu wangu, taakwe nco kacita; nceeco Leza nca kakucitila! Lino tuli, ikuti na twa kalulamikwa ku lusyomo, twa kalondolwa kwalyonse mu Busyu bwa Leza.

50 Mpawo Jesu wakati, “Amu londoke.” Mpawo, kwa kalondolwa kwalyonse. Leza, kwiinda mulufu lwa Kristo, myaka ili cuulu amyaanda ili fuka, sunu, kalondola musyomi, cakuti Wa kabona kumbele kuzwa ku malengelo aa inyika, kwalyonse. Elyo abo Mba kaita, Wa kabalulamika. “Abo Mba kazikale, Wa kabaita; abo Mba kaita, Wa ka balulamika; abo Mba kalulamika, Wa kabapa kale bulemu.” Wa balondola basyomi Bakwe!

51 Lino amulangilile, atu pilukile lino ku kampango ka 1.

*. . . mulao mu kuba cimvule ca zintu zibotu zyakacili kuza, a kutali nciconya cinkozya ca zintu ezyo, zita*

*konzyi a zituuzyo ezyo zya ka tuulwa mwaka a mwaka cakuzumanana kubamba sikuboola kusika ku kulondolwa.*

52 Amulangilile “kulondoka,” nko tukanana.

*Nkambo mpawo nizya taka lekwa kutuulwa? nkaambo oyo mukombi waka salazigwa lomwe ne kunga taka jisi limbi manjezeezya aa cibi.*

53 Ino waambanzi? I bbala *manjezeezya* alya, a bupanduluzi, bululeme, nku “yandisya.” Alimwi ikuti na muntu wasika, mukombi, cakululama, kumbele lya Kristo, mukubona kupenga Kwakwe, nkabela walituula mwini kuli Kristo, a kwaamba, “O Mwami Leza, takukwe cintu muli ndime cikonzya kulungila, pele Ndi yaamina aali Nduwe cakumaninina,” mpawo oyo Muuya Uusalala wasika mu moyo wa muntunsi, nguonya mubuzyo wa cibi waingulwa kwalyoonse, nkambo kuyandisya konse kwa cibi kwa gusigwa kuzwa kuli nduwe. Nkambo ikuti na mulao niwa kakonzya kucita ceeco, zituuzyo nizya takalesegwa; pele mukuti tii waka konzya kucicita, Kristo wakacita kufwa, kutubamba kulondoka.

54 Beenzuma, kuli zintu zinji kapati nzo tukonzya kwaamba sunumasiku, kujatikizya bulondosi. Lyoonse tusola kudonkola meso kuzwa ku muntuumwi umbi, kulibamba lwesu kuba basalala aniini buyo kwiinda mbo babede—mbo babede. Pele ikuti na twa langa biyo ku cifwanikiso, nduzyalo biyo lwa Leza kuti tuli boobo mbo tubede.

55 Okuno ciindi cimwi cainda, mu Ohio, Nda kaiya ciiyo munzila njumu. Nda kajisi muswaangano kumusanza mu Ohio, alimwi Nda kali kukkala kubusena mu cisi. Nkaambo ka makamu manji, Nse kakonzya kukkala mu dolopo.

56 Twa kali kulya ku restranti niini yabana Dunkard. Elyo basikukutauka baniini babotu obo, a kabasamide kabotu, a bulondo mbuli mbo bakali kukonzya kuba, cabulindu kapati, kali kutu lindila. Kakali kabeela kaniini kaku julu, kulida mu busena buli boobo. Kkicini yabo yakali mpya ilondokede. Elyo Munsondo baka jala nkabela ba kaunka ku cikombelo. Nda kafwa nzala asyoonto, Nda kali kuyo kambauka Munsondo masakati.

57 Elyo Nda kaunka ku niini ya lyoonse. . .ku restranti niini yaboonse ina America, kuyoula cintucimwi cakulya. Elyo cindi Ne keenda mu mulyango, cintu Nce kamvwa cakali cibbonanza cakali kuyabuya! Elyo kwa kaimvwi mwaalumi alya wa musela wangu, walo antela wakali mwaalumi uukwete, a maboko akwe kakumbete mwanakazi, kabauma cibbonanza. Mulao wesu nguonya, kukwabililwa kwa bululami bwesu, kwa zintu zyesu, waka liimvwi alya kasusya cintu eco nca keelede kukwabilila. Nkaambo, mulandu kuuma njuka mu Ohio, kusobanya cibbonanza.

<sup>58</sup> Elyo Nda kanyona akulanga kusule lya buyake, kwakali cikama ca balombe baniini, amarekodi a cizyano cakulyuumba buniini aa muncini, kaalila. Ii mulindu mukubusyi wakali kutandila myaka yakukomena ili kkumi alusele, wakasamide kabotu loko kungsi lya bupange mbuli mwanakazi. Pele waa kaliimvwi alya adresi kali lengelela ansi kumbele, elyo umwi wa balombe abo kakumbete musimbi, oko nkwa takeelede kuba. Elyo bakali kufweba a kunywa.

Elyo Nda kayeeya, “O Leza, mbobuti Mbo konzuya ku ciiminina?”

<sup>59</sup> Elyo Nda kasondele kululyo lwangu, cindi Ne kamvwa umwi katongela kapati. Elyo mpaawo kwaka kkede mwanakazi wamusela, antela myaka ya makumi ali cisambomwe, na myaka ya makumi ali ciloba yakukomena. Waa kasamide zisani zibyaabi zyakaindi ezyo zijata, kutandila akaa atala lya magondo akwe, elyo mubili wakwe usutene wakaindi wakali kulileka leka buyo mbuli mbowa kali kukonzuya. Elyo wa kabikkide misila eyi awa, acintu cipati loko capepo ku lubazu lwa meso akwe, kali pentedwe; kasamide mabbusu maniini, mpato a mala akumaulu kaali pepo, kapentedwe; maala akuminwe kaali pepo, kaapentedwe. Elyo masusu akwe akali geledwe cakufwiimpa loko, akuvungwa, a mubala wa bbulu. Elyo Nda kamulanga.

<sup>60</sup> Elyo atala lya tafule kwaka kkede baalumi bobilo, kaba koledwe. Umwi wabo (cakali ciindi camainza) kasamide bbaki lyakaindi lyamu mpi, a cilembo citubuluka kacivungaidwe ku nsingo yakwe, a malezu koonse ku meso akwe, akubbya akuya buya. Elyo baka lilombela beni, mwaalumi wakacita, kuzwa nguli nguwe, akutalika kweenda kuzwa mbuli *boobu*, kuya ku cimbuzi.

<sup>61</sup> Nda kaimikaila alya. Elyo Nda kati, “Leza, nkaambonzi To cinyonyooni cintu conse? Nkaambonzi To cibbizyi buyo kungsi lya nyika?” Nda kati, “Sena Sarah a Rebekah bangu baniini beelede kuyo komena kungsi lya zintu zili boobu?” Nda kati, “Mbobuti Yebo, Leza, mu busalali Bwako, kusola kwiima kulanga cintu cili boobu, akuta tuma muzunzumo wanyika a kucibbizya?”

<sup>62</sup> Elyo mbuli Mbwe kaimvwi alya, kusampaula mwanakazi, mbuli Mbwe kali kucita, Nda kajokela kunzelya mulyango. Nda kamvwa Muuya wa Leza waka ndisikila, elyo Nda kajokela kunze lya mulyango.

<sup>63</sup> Elyo Nda kabona mbuli cintucimwi kacizunguluka. Elyo cindi nicakali obo, mu cilengaano, yakali inyika yakali kuzunguluka a kuzunguluka. Elyo mbuli Mbwe kabona, kuzunguluka inyika kwakali mweengu usalalapyo, kuzunguluka inyika. Elyo mbuli Mbwe kasika ku inyika, Nda kalibona ndemwini, mulombe buyo muniini, nkecita zintu Nze takeelede kucita; ndiza kutali mbuli *obo*, pele cakali cibi. Elyo ciindi

conse Ne kacita cili conse, Nda kabona cimvule eco cisiya cipati kutozya ku Julu. Kwalo, Leza nakandi jaya ku ciindi eco ciniini.

<sup>64</sup> Mpawo Nda kabona cakaimvwi akati kuli ndime a Leza, kwa kaimvwi Cituuzyo cilundokede. Nda ka Mu bona kaimvwi alya a maamvwa ku mutwe Wakwe, a mate kalengelela kumeso Akwe. Elyo ciindi conse zibi zyangu nizya katalika kutozya kuli Leza, Wa ali kunga watambikizya aku cijata, mbuli bbampa yaku mootokala. Wa kali kukwabilila ndime kutafwa. Elyo ciindi conse Ne kali kucita cimwi cilubide, Leza wakali kuyanda kundi jaya. Ncamasimpe, busalali Bwakwe bwa kacyanda. Mulao Wakwe waka ciyanda. Elyo ciindi conse Ne kali kucita cimwi, na wacita cimwi, Bulowa bwa Jesu Kristo bwakali kucita mbuli bbampa. Elyo Nda kabona mweengo oyo uusaalapyu wakali kwaamba kuti, Bulowa bwaci jatilila nyika.

<sup>65</sup> Elyo mbuli Mbwe kaimvwi, nkelanga, Nda kaswena muni loko aniini mbuli Mbwe ka Mu bona. Elyo Nda kakonzya ku Mu mvwa kati, “Taata, komu jatila, ta zyi eco nca cita.” Elyo Nda kalanga ansi, elyo mpaawo kwa kabikkidwe bbuku. Elyo kwakali Angelo uurekooda okuya, alimwi kwiimvwi ku mbali Lyakwe. Elyo ciindi conse Ne kabisya, caka lembwa mu bbuku. Elyo zina lyangu lyakali muli ndilyo. Elyo Nda kaziba kundi buzuba bumwi, Ndi. . .kuti mweengo wa Bulowa wakali kuyo sumpulwa alimwi ni Nda kaimikila mu Busyu bwa Leza, ku buumi bwangu bubi. Pele, Nda kabona, ku luse Lwakwe Wa kali kutabulula lubeta lwangu.

<sup>66</sup> Nda kainka kuli Nguwe, cabubombe. Nda kafugama ku mazwi angu, elyo Nda kati, “O Jesu, Yebo Omwana wa Leza, Ta ndeeleli kusika mu Busyu Bwako. Pele sa Ula ndijatila kaka kuli ceeco Nce kacita?”

<sup>67</sup> Wa kaguma lubazu Lwakwe a janza Lyakwe, kabweza bbuku lya kaindi a kulemba “wajatilwa” ali ndilyo, kasowela kusule Lyakwe, nkabela zibi zyangu zyakamana! Mpawo Wa kandi langa, akusinizya ku meso, Wa kati, “Lino Nda kujatila, pele uyanda kumupa mulandu.” Mpawo Nda bona eco nca cakali kwaamba.

<sup>68</sup> Elyo Mbwe kazwida buyo mu cilengaano, Nda keenda kuli nguwe. Nda kati, “Wa pona buti?”

<sup>69</sup> Waa kali kunywa. Waa kandilanga, nkabela waa kati, “Oh, ulibuti.”

Nda kati, “Sa inga Nda kkala?”

Waa kati, “Nda aba amulongwe.”

<sup>70</sup> Nda kati, “Nse cikanzili boobo, mulindu. Ndi yanda buyo kukanana kuli nduwe, aniini.”

Waa kati, “Kokkala.”

<sup>71</sup> Elyo Nda kati, “Omulindu, maminiti buyo masyoonto ainda, kaimvwi okuya kunze lya mulyango oko. . .” Nda

katalika ku mwaambila. Elyo Mbwe katalikila buyo kalanga, misozi yakatalika kumbulumukila aa masaya akwe. Elyo waa kandaambila. . . Nda kati, “Omulindu, to kanzi kucita zintu ezyo. Jesu wakafwa, alimwi imbata zya Leza zila tabululwa ku Bulowa Bwakwe. To kanzi kucita ceci.”

<sup>72</sup> Elyo waa kati, “Peepe, munene.” Waa kati, “Taata wakali daikona mu mbungano. Nda kakomezegwa mu ng’anda ya Bunakristo. Mulumi wangu a Ndime twakali mamembala akalembedwe, abakapona buumi bwa Bunakristo.” Waa katalika kundaambila, kwiinde lufu lwakwe. . . Waa kajisi basimbi bobilo bakubusyi, nkabela waa kaleya. Elyo obo basimbi mba kamusiya, nkabela waa kasowaila buumi bwakwe. Eyo waa kayeeya kuti kwakanyina limbi bulangizi kuli nguwe.

<sup>73</sup> Pele Nda kati, “Leza, koba siluse! ‘Abo Mba kabwenekale, Wa kabaita.”

Waa kati, “Sena nduwe Mufundisi Branham, uuzwa kumusanza okuya?”

Nda kati, “Nde ndime.”

<sup>74</sup> Waa kati, “Nda usa kuli lwangu, kukkala awa mbuli obu.” Waa kati, “Sa uyeeya kuti kuya kuba coolwe kuli ndime?”

<sup>75</sup> Nda kati, “Jesu ujisi maboko Aakwe katandabikidwe, kaalindila nduwe kuboola, omulandu.” Elyo bantu bambi baka talika kutanta. Elyo Nda kati, “Sena inga weenda awa aa cibuye eci a ndime?”

Waa kati, “Ndila cita, munene.”

<sup>76</sup> Nda kamwenzuya ku janza. Nda kati, “Yebo utandila musela wa baama. Sa inga wafugama awa a ndime, aa cibuye?” Elyo awo aa cibuye, twa kapasaula busena masakati ayo, kuba muswaangano wa cianza cakaindi. Elyo Leza wakafutula oyo mwanakazi, ku luzyalo Lwakwe. Waa kalisamika mwini akuboola ku muswaangano, alimwi, kuciimo Mbwe zyi, upona buumi bwa Bunakristo sunumasiku.

<sup>77</sup> Ino ncinzi? Oh, Leza uyanda bulondosi! Walo uyanda kweempwa kwako. Walo uyanda kusyomeka kwako kuli Nguwe. Pele Walo ulalangila sunumasiku. Takukwe makani kunji nko tubisya, mbokuli kuniini na mbokuli kunji, ucili sizibi, alimwi konzyi kunjila nzila imbi pele kwinda kuli Jesu Kristo, Cituuzyo cali jisilidi zyonse ica Leza. Elyo muli Nguwe uli londokode kwalyonse. Amu ciyeeye! Ta cili cintu nco cita. Taali mapeegi ngo vununa. Ta buli buumi bupya mbo talika. Nkulyaambilila kwa bubi bwako, a luzyalo lwa Leza kuli nduwe. Eco cikuleta ku bulondosi, elyo mpawo walondolwa muli Jesu Kristo.

<sup>78</sup> Ndila syoma, sunumasiku, mweenzuma wangu, kuciindi notuli ano ku ciindi eci cipati ciyandisi eno, cindi mizeezo moyeelede kubambwa kwamana kumvwa kaano aka. Kwayanda tona kamvwide. Pele to konzyi kuzwa ku milyango eyo koli

muntu nguwenya wanjide, weelede kuunka koli kabotu na kubija maningi.

<sup>79</sup> Elyo kuciindi notu kotamika mitwe yesu asyoonto buyo, Ndi yanda kuyeeya canguzu kujatikizya ncico. Ino kujatikizya buntu bwako sunumasiku? Jesu Kristo wakafwida nduwe.

<sup>80</sup> Yebo wati, “Mukwesu Branham, cindi Nda konzya kuleka kufweba, ciindi Nda konzya kuleka kunywa, cindi Nda konzya kululamika cintu eci, Njo cicita.” Oh, ta cika citwi kabotu. To kakonzyi kucicita. Nkaambonzi tobooli buyo munzila njo bede? Elyo, ku lusyoma, kuya ku Kalonga ako, kukunka Kwako kupegwa ku zilonda, mpawo luyandisyo lunununa kuba kaambyo kako, alimwi kuyooba mane ukafwe.

<sup>81</sup> Nkaambonzi kubweza ciiminizyo? Nkaambonzi kusola kunjila kwinda ku mbungano yako? Nkaambonzi kusola kusika mukati nkaambo wakaleka kunywa na kuleka kubeja? Koolola kwinda kunjila ya bulondosi! “Nkambo, ku Cituuzyo comwe, Wa kalondola kwalyonse abo mbaka kaslazya.”

“Mbobuti Mbwe salazigwa?”

<sup>82</sup> Lyaambilile zibi zyako mu Busyu bwa Bulowa bwa Jesu; alimwi Buumi obo buzwa ku Bulowa obo, bupilukila ku mukombi, aku musalazya kuzwa ku kuyandisya kwa zintu zya inyika. Nkambo, kuli eco Cituuzyo cili jisilidi kuli zyonse, Wa katu salazya; Muuya omwe, toonse twa kabbizigwa mu Mubili omwe. “Lino takukwe luzulo kuli baabo bali muli Kristo Jesu, kuli mbabo bateendi mbuli bakunyama, pele Muuya.” Ikuti na usola kweenda kwinda ku Muuya, nkabela ucisukamina zyakunyama, Cituuzyo tacina bikkwa kukkwanina kuli nduwe. Pele mukombi asalazigwa lomwe, ta cijisi limbi kuyandisya kwa cibi.

<sup>83</sup> Eyo yakali Kalivari. Ta buli busena bwaku sambalila malubaluba, na busena buniini bwakucitila *ceeci* na *eco*. Bwa kali busena awo Leza a muntu mpoba kayanzanina. Bwa kali busena awo lumuno a bukwabikilizi bulondokede mpo bwakaletwa ku mukowa onse wabantu. Sa inga waunka andime, sunumasiku, mweezuma sizibi, ku Kalivari, elyo ku lusyomo bikka obu Bulowa ku buntu bwako, aku lekela Muuya Uusalala uboole aku kusalazya kwinda ku Cituuzyo Cakwe eci cipati?

<sup>84</sup> Katutaninga kukomba, sa inga watambika janza lyako kuli Leza, akuti, “Koba siluse kuli ndime, Leza. Nda lyaambilila zibi zyangu eno, ali obu busiku bwamuli Bwasanu Bubotu. Alimwi Nda lumba ku cituuzyo cipati eco Kristo nca kandi citila. Nda pa luyando lwangu lonse eno, makanze a zintuzyonse zyangu, ku kutobela Nduwe kuzwida buzuba obuno, kutalika lino kuyabuya.” Sa inga watambika janza lyako, akuti, “Kondi yeeya, Mukwesu Branham, mu mupailo. Oyo ngo muzeezo wa moyo wangu”? Sena kuli umwi, obu busiku bupati, kuciindi notulindila asyoonto buyo? Abusena awa ku lubazu lwa janza

lyangu lyalulyo, masimpe kuli omwe alya. Sena wausansoni ku zibi zyako? Sena wausansoni kuli ceeco nco kacita?

<sup>85</sup> I inyika sunumasiku iyandaula basiluzibo acamba. Elyo ili jisi basiluzibo acamba, kwaamba kunyama.

<sup>86</sup> Buzuba bumwi kutala mu Switzerland, cindi bana Swiss baku Switzerland bakali mu ntenda, cipani ciniini bana Swiss bakali bungene ku masena akubelekela, kukwabilila—kukwabilila lubono bwabo. I mpi mpati yakali kuboola yakali mpati loko kuli mbabo; boonse bakayiisigwa, kajisi masumo a ntobo zipati. Ibana Swiss tiiba kakonzya cita cintu cita kulipa. Ba kasyanikizigwa ku mulundu. Mpawo kwakali siluzibo acamba wakayutuka. Muntuumwi wakacita kufwa. Elyo ikuti na baka sweekelwa nkondo. . . .

<sup>87</sup> Teeba kajisi cintu pele mabemba amasikela akaindi, a myaala, tusamu, zya kulwanya. Cindi, mpi yakali kuboola niya kalibonya mbuli bulambo bwa matina. Ikuti ni bakatolwa, bamakaintu babo baniini babotu niba kalalwa cakusungilizigwa, basimbi babo bakubusyi niba kalalwa cakusungilizigwa, bavwanda babo niba kajaigwa, mitwe yabo niya kabbotolwa, maanda abo naka nyonyooka, zintuzyonse nizya kasweeka.

<sup>88</sup> Mpawo kwakali mwaalumi, wa zina lilubwa cakufwambaana loko, ku zina lya Arnold von Winkelried. Wa kayutuka, a kuti, “Nobantu ba Switzerland, obuno buzuba Nda pa buumi bwangu nkambo ka Switzerland.” Wa kati “Kutala lya mulundu kulaale kuli muunzi uutuba mubotu. Ndi jisi mukaintu a bana balindila balindila ndime. Pele taba kandiboni alubo, nkambo, obuno buzuba Nda pa buumi bwangu nkambo ka Switzerland.”

Ba kati, “Ino ulacita nzi, Arnold von Winkelried?”

<sup>89</sup> Wa kati, “Amundi ccilile, akucita ku bubotu nko mukonzya aceeco nco mwaalede kubelesya.”

<sup>90</sup> Elyo wa kalanga ku mpi kusikila wa kajana masumo malemu maningi. Mpawo wa kasumpula maanza akwe mujulu, wa kazuzila ku bulambo obo bupati bwa matina a masumo, a kukwiila, “Amubambe nzila ya lwaanguluko! Amubambe nzila ya lwaangululo!” Masumo ali myaanda akanyona kujata kulalila kwakwe; wa kawaala maboko akwe a kwaswaanganya ku kaango kakwe, ayo aka musyanikizya ansi, nkabela wa kafwa kumamanino aa masumo ayo. Abo bana Swiss baka muccilila a mifunko a tusamu. Oko kutondezegwa kwa ciimo caluzibo acamba kwaka pumbula impi, mane bana Swiss baka bazunda kuzwa ku cisi. Elyo kwiina nibakaba a nkondo kuzwida buzuba obo, kuzwa eelyo.

<sup>91</sup> Kaimikile mu Switzerland akwaamba zina lya Arnold von Winkelried, uya kubona misozi kumbulumuka aa masaya abo. Nkaambonzi? Wa kafutula cisi cabo. Oyo wakali mucito mupati

wacamba. Ta bweezyanisigwi kanji, alimwi kuta indilila, mu nyika eyi.

<sup>92</sup> Pele, oh, cakali cintu ciniini cakacitika buzuba bumwi! Cindi mukowa wa Adamu niwa kaimikila, madaimona kaamaccin'ga kuzwa kulubazu lonse, basinsimi baakakilwa, mulao waakakilwa, cituuzyo ca bapoho a tubelele zyakakilwa, bulenge bwa muntu bwakakilwa, zintuzyonse. Elyo mukowa muniini wa Adamu wakaimikila, kauzundidwe; kwiindwa kumweelwa wa madaimona, malweza, kuciswa, malwazi. Kwakali Umwi wakayutuka kuzwa ku Julu, a kuti, "Obuno buzuba Ndila fwida mukowa wa Adamu." Wa kasika ku nyika akuba mu mubili wabuntu. Wa kalanga ansi eni akati ka masumo akali kusiya kapati. Nkukonya kusiya maningi kwa kuyoowa konse kwa muntu lwakali lufu, nkabela Wa kabweza lufu mu kaango Kakwe. Elyo aa Kalivari Wa kabbadela cituuzyo, akukwiila, "Amubambe nzila ya Lwaanguluko!"

<sup>93</sup> Alimwi Ula kwiila ku Mbungano Yakwe, "Bweza Eci Nce kakusiila, Bulowa Bwangu a Muuya Wangu, a kulwana kubelesya cili conse nco jisi." Inga twa zunda sunumasiku, kwindi muli Ceeco, mweenzuma. Inga wamutanda dyabulosi kuzwa kuli nduwe. Sinkondo aumwi wakaindi uli mu buumi bwako, inga watandwa kuzwa ku Bulowa a Muuya wa Kristo, alimwi inga waimikila cakulondoka mu Busyu Bwakwe. Kristo wakabamba nzila!

<sup>94</sup> Sena inga wacita mbuli kunyamuna kuboko kwako kuli Nguwe, a kuti, "Kondi jatila"? Leza aku longezeye, mukwesu. Umwi umbi, "Koba siluse kuli ndime, Leza, Nda lyaambilila bulubizi bwangu eno"?

<sup>95</sup> Sa kuli mamembala ambungano akasaala buyo abo baunka ku cikombelo abuzuba, alimwi ndiza basola kuba basibulemu kapati mbuli mbo bakonzya, pele nekubaboobo balizi kuti olo lunyemo a kancimwa, a kuliyanda, cilengwa zila kusyanikizya ansi mane tokonzyi kuba a kuzunda? Sa inga wayanda kusalazigwa ku Bulowa, sunumasiku, kuzwa kuli zyonse ezyo? "Nkambo mukombi asalazigwa lomwe ta cijisi limbi manjezeezya. . ." Sa inga wanda kunyamuna janza lyako, yebo simbungano? Leza aku longezeye, mulindu. Nyamuna maanza ako akuti, "Mukwesu Branham, kondi yeeya mu mupailo." Leza aku longezeye, mulindu. Mbo mbubo. Eco cini. . . Eco ncintu cini cakucita. Leza aku longezeye kusule okuya, omunene.

<sup>96</sup> Umwi umbi atambike janza lyakwe, kwaamba, "Koba siluse kuli ndime, Leza. Ndi lizi kuti Nda kalibanda Bunakristo, pele Nse kabupona. Ndi lizi Nse citi. Elyo mu moyo wangu, Nse luleme ncobeni kuli Nduwe. Ndi yanda kuba umwi wa basale ba Leza. Nda limvwa mu moyo wangu kuti Ndili obo, pele Nsena bikka ambali zindicelezya kapati. Alimwi Ndi yanda kwiibikka ambali sunumasiku. Elyo, ku luzyalo lwa Leza, Ndila



cicita. Kondi kombela.” Sa inga watambika janza lyako? Leza aku longezye yebo, omulindu. Umwi umbi. Asyoonto buyo, tula lindila.

<sup>97</sup> Kuciindi notu lindila cabutontozi, nyonse lino a mitwe yanu kiikoteme mu mupailo, amu kung’ung’una eyi cakubatama eno.

Kuli Kasensa kazwide a Bulowa,  
Kazwa ku Nsinga ya Emanuele,  
Elyo basizibi badumpukila kungsi kwa. . .  
Kusweekelwa twiimba twabo tonse twa  
milandu yabo,  
Kusweekelwa. . .

<sup>98</sup> Sena toko ciyeeya kapati ndyoonya lino? Uta soli ku cigusya. Kristo uli mu janza lyako.

<sup>99</sup> Pilato wa kacisola, cifumo eci, ambali kutandila sikisi okuloko; pele maanza akwe acijisi malowa, malowa amulandu. Mulizi eco cakacitika kuli nguwe. Wa kaunka kutala mu Switzerland, myaka minji niya kainda, waka sondoka, wakali dumpukizya mu ciziba ca maanzi akufwa. Cifumo eci, mu Switzerland, myaanda ya bantu basika kuzo ebela cilao, maanzi abbulu kabila kuzwa kutako lya cigodi eco cipati ca maanzi. Bala cicita amwaka. Nkucitika kwakaindi, nko baamba kuti Leza waakaka maanzi kuti asanzye maanza aakwe.

<sup>100</sup> Mukwesu, takukwe makani kuvula kwa ziindi nzoka kabbizigwa, kufumbwa nco sola kucita, taakwe ciyo sanzya maanza ako pele Bulowa bwa Kristo. Leza wakaakaka. Alimwi maanzi abbulu, kwinde myakali ili zyuulu zyoobilo, kutandila, aci bila. Leza wakaakaka. Bululami bwabo bwakulicitila tabukonzyi kusalazya zibi zyako. Taakwe pele Bulowa bwa Jesu! Amu ciyeeye lino. Tula njila kukomba, asyoonto buyo.

<sup>101</sup> Nda libuzya na Nda konzya kubuzya cintucimwi sunumasiku. Cindi Na kaimikila okuya ku hoolo ya lubeta iya Pilato, cifumo cini, a kuti, “Ikuti Bwami Bwangu bwali bwa inyika eyi, Ne kakanana kuli Taata Wangu elyo mpoonya awo Na Ndi tumina malegioni a Baangelo ali kkumi aabili.” Kakuli, umwi wabo nakonzya kunyonyoona inyika. “Ne kanana kuli Nguwe, nkabela malegioni ali kkumi aabili aa Baangelo naaba mpoonya abusena Bwangu.” Na konzya kucicita. Pele Wa kaimikila alyo, silubombo a mubombe, kukubweza lufu lwako a kubweza zibi zyako.

<sup>102</sup> Sa inga mwalumba kapati ku Cituuzyo eco sunumasiku, nywebo nomu cibulide, a babulide zilongezyo zya Leza, sa inga mwaimikila ku matende anu ku mupailo oyu? Koimikila buyo ku matende ako, yebo uyanda kwiibalukwa mu mupailo oyu, kwaamba, “Leza, koba siluse kuli ndime. Nda zulwa, Nda kacita zintu zitaluzi, alimwi lino Ndi yanda kuzumina kujatilwa kwangu kwinda muli Kristo Jesu.” Sa inga wasika ku matende

ako aciindi ncoonya eci? Leza aku longezye, omulindu muniini. Eco ncamba. Ko ciimvwi buyo awo.

<sup>103</sup> Sena undaambila kuti watambika janza lyako, elyo mpawo kutasinizya kapati kwiimikila ku matende aako? Ino Makanimabotu asola kukugwasya nzi? Oh, kusobana zya mbungano kuli obo, kusobanya Leza! I oora lila afwaafwi maningi, bumwi bwa mazuba aya bbomba lya atomiki liyo uma konse okuno kubusena, muli imwi ya mafakiito aya a misili mikali. Ta kukabi kamvwalo komwe ka kuciyeeya. Kunooli kumukisya mpawo, alimwi ndiza kakutanaba Pasika iitobela, na nokuba Pasika eyi. Sa to koima lino, kwaamba, “Leza, koba siluse kuli ndime, nde sizibi. Nda mutambula Kristo lino, ku kulituula Mwini mbuli mulungo wa zibi zyangu. Elyo ku luzyalo Lwakwe, a luzyalo Lwakwe luzutu, Nda kkalilila mu Busyu bwa Leza.” Sena ula lyaambilila bulubizi bwako? Oyo uya kusisa zibi zyakwe taka jani coolwe. Oyo ulyaambilila cibi cakwe, ujisi luse. Cili kuli nduwe. Ula langilila.

<sup>104</sup> Lino, Mwami wesu Ulelekedwe, mu mweelwe lweelede sunumasiku kwaimikila bantu botatwe basikuusa, mwaalumi omwe abanakazi bobilo.

<sup>105</sup> Mbuli Mbwe yeeya, Mwami, zya Kalivari, cindi umwi ku lubazu lumwi, kati, “Mwami, ukandi yeeye cindi Wa kunjila mu Bwami Bwako”; umwi umbi wakati, “Ikuti na Nduwe, atu bone maleele, tu selusye kuzwa ku ciingano a kulivuna Omwini.” Elyo umwi umbi wakati, “Leza, koba siluse kuli ndime.” Elyo mutwe Wako wakanyonena ku lubazu lwalulyo, a kuti, “Kuzwida sunu uyooba a Ndime mu paradaiso.” Pele Wa kaumunizya kuli umwi umbi, nkaambo kwakanyina kweempwa.

<sup>106</sup> Elyo, Taata Leza, Nda komba kuti aba ndiza...Ndi syoma kuti bali biyo botatwe mu buyake, abo balimvwa kuti bayandikana kulyaambilila bulubizi bwabo. Pele ba boola ku nzila ili jisilidi zyonse, ku nzula ya ciingano. Koba jatila, Mwami, akuba longezya. Ba liimvwi awa sunumasiku; mbuli Mbo kabaiminina, mu hoolo ya lubeta iya Pilato; mbuli Mbo kabaiminina, akati ka Majulu a nyika, cindi zuba nilya kabbila nkabela mweezi tii wakabala, nkabela cisitilizyo ca tempele caka deluka kuzwa atala mane ansi. Nda komba, Leza, kuti Uyo balongezya aku bapa luse Lwako, akuba salazya kubelesya Bulowa Bwako. Alimwi babbizye ku Nguzu Zyako zisalazya, mu Mubili wa Mwana Wako Mwini, Kristo Jesu, mpawo bayobolwa ku ciindi a Butamani. Longezya abambi balimvwa kuti bali kabotu, kuteeti baka kkwanya kale eci akucita boobo. Nda kombela eci cilongezyo kuli mbabo, mu Zina lya Kristo. Ameni.

<sup>107</sup> Leza amu longezye. Anywebo nomwiimvwi muni kuli baabo banyamuka, aku tambikizya a kusukana maanza abo, muntuumwi, nkabela wati, “I Mwami aku longezye,” mbo mbubo, mbuli janza lya luswaanano.

108 Twa muka buyo aniini eno mu kuswaangana kwesu. Mbangaye bamuyanda Mwami Jesu, tambika janza lyako? Nda libuzya, mu kubatama eno, na cakutontola buyo mbuli mbo tukonzya, mu ciibalusyo Cakwe Oyo ulikokonse, uliko sunumasiku, twa lombwa twiimbe cabuteteete.

Kwakali kunselelo ku ciingano oko Mufutuli wangu nkwa kafwida,  
 Kunselelo kuya ku kusalazigwa zibi Nda kalila;  
 Mpaawo ku moyo wangu (cindi wakkwanya ceelelo, kabikka maanza ako ali Ncico,) mpaawo ku moyo wangu Bulowa bwa kalambwa;  
 Oh, bulemu ku Zina Lyakwe!

Twiimbe cabuteteete eno, mbuli mbo tu kotamika mitwe yesu kuli Nguwe.

Kunselelo ku ciingano oko Mufutuli wangu nkwa kafwida,  
 Kunselelo kuya ku kusalazigwa zibi Nda kalila;  
 Mpaawo ku moyo wangu Bulowa bwa kalambwa;  
 Bulemu ku Zina Lyakwe!  
 Bulemu ku Zina Lyakwe, Zina liyandisi!  
 Bulemu ku Zina Lyakwe liyandisi!  
 Mpaawo ku moyo wangu Bulowa bwa kalambwa;  
 Bulemu ku Zina Lyakwe!

109 Lino cabutontozi, amitwe yanu kiikoteme. Nywebo nomwa kafutulwa, kwaamba:

Oh . . .

Tambika janza lyako eno.

Oh, Kasensa kayandisi ako kafutula kuzwa ku cibi!  
 Ndili kkomene kapati Nda kanjila mukati;  
 Awo Jesu ulandi futula akundi bamba kunjoloma;  
 Bulemu ku Zina Lyakwe!  
 Bulemu ku Zina Lyakwe liyandisi!  
 Bulemu ku Zina Lyakwe liyandisi!  
 Mpaawo ku moyo wangu Bulowa bwa kalambwa;  
 Bulemu ku Zina Lyakwe!

110 Lino a maanza anu ansi, mitwe yanu kiikoteme. Nda yeeya buyo; umwi waita ciindi cisyoonto cainda, akuti umwi wali kuyanda kwiibalukwa mu mupailo, nkambo ka mubili wakwe.

Teeba konzya kupilukila ku muswaangano Munsondo masiku, ku kuswaangana kupati kwakuponya. Sa inga mwaimikila ku matende anu, nomuyanda kwiibalukwa mu mupailo oyo ndyoonya lino?

. . .ku moyo wangu Bulowa bwa kalambwa;  
Bulemu ku Zina Lyakwe!  
Bulemu ku . . .

<sup>111</sup> Lino amitwe yanu kiikoteme. “Wa kayaswa nkambo ka nsotoko zyanu, kacuzaulwa nkambo ka milandu yanu, kukombwa kwa luumuno lwanu lwakali ali Nguwe, nkabela ku mibunda Yakwe mwa kaponesegwa.”

Bulemu ku Zina Lyakwe!

<sup>112</sup> Limo, Taata Olelekedwe, mbuli mbo tuswena ku ciingano cabubombe ndyoonya eno, oko luzyalo a luse nko zyakandi jana, okuya Ntanda Imwekesya ayaku Bucedo kaitila kumweka Kwayo kutubuluka kundi zunguluka. Aba baciswa baliimvwa mu Busyu Bwako. Bali mukusyoma ndyoonya lino, kuti ku lusyomo, bacebukila ku mibunda eyo, kulaale. “Elyo ku mibunda Yakwe twa kaponesegwa.” Taata Uusalala kapati, twa boola katu lyaambilila lusyomo lwesu, kusyoma kuti Uyo ponya mibili yesu iicisidwe, kwiinda ku kupenga kupati kwakabonwa ikwa Mwami Jesu. Elyo mbuli mbo tutuula nkambo ka bantu aba baimvwi, mupailo wa lusyomo, cakuti Wa kasyomezya kuti uyo vuna baciswa. Elyo swebo, antoomwe, mbuli nkamu ya basyomi Bako sunumasiku. Wa kati, “Kufumbwa oko bobilo na botatwe nkoba bungene, Njo oba akati kabo.” Elyo twa lombela luse, kutegwa luzyalo Lwako inga lwaguma buntu bwabo bwamukat maningi eno, kutegwa cintucimwi ciyo simpa kungsi kwini cakusakana; kutegwa baka zibe kuti Kristo mpali alimwi wakanana kuli mbabo, kwaamba kuti, “Omwana Wangu, Nda kabweza kuciswa kwako kulaale ku Kalivari. Lino kuwaala buyo mapakasyo ako onse ali Ndime, nkambo Ndila kubamba.” Elyo akube kuti baponesegwe, muntu onse aponesegwa, nkambo twa cilomba mu Zina lya Jesu. Ameni.

<sup>113</sup> Alimwi mbuli mbo bakkala eno, umwi muni lyabo, bikka maanza ako ali mbabo, muntuumwi oyo walikuba kombela. I Bbaibbele lyakati, “bayo bikka maanza abo aa balwazi; bayo pona.” I Mwami alongezye.

<sup>114</sup> Ikuti na Nse lubizya, Nse langide ku muntu wakaponesegwa okuno mazuba masyoonto ainda, na mazuba a Munsondo ainda, wakali musinkematwi na cintucimwi mu matwi? Nda kubona kokkomanina muswaangano sunumasiku. Sena undiswilila kabotu calino? Eco ncibotu. Ncibotuloko! Koimikila buyo ku matende ako asyoonto buyo. Mbangaye bamuyeeya kuba kookuno? Elyo wa kalisyanikizya mu mundando wa mipailo, kamu pilusya atala lya cibumbuli, nkabela Mwami waka muponya aku mubamba kuba kabotu. Aleleke i Mwami!

Ndaku lumba, mukwesu, ku bumboni bwako. Inga kwaba kwinda ku banji! Pele sa Tali mubotu?

<sup>115</sup> Lino, tu yanda kuyo mubona juunza masiku, cakufuma. Elyo mpawo Munsondo cifumo, cakufuma. Munsondo masakati, alimwi ikuti na inga mwapilukila ku muswaangano wakuponya Munsondo mansiku. Kusikila tuka swaangane, atwiimikila a kwiimba lwiimbo lwesu lwa kumwaikila, “Ko Tolelela Zina Lya Jesu A Nduwe.”

Ko tolelela Zina lya Jesu a nduwe,  
Mwana wa buusu a mapenzi;  
Liyi kupa lutangalo a kuumbulizigwa . . .

Konyonena nkonya kusule akusukana maanza eno a muntuonse.

Ko Li tola konse nkoya.  
Zina liyandisi . . .


Konyonena nkonya konse a kusukana maanza.

Oh, mbili bbotu!  
Bulangizi bwa nyika a lutangalo lwaku Julu;  
Zina liyandisi, Zina liyandisi, Oh, mbolili  
bbotu! Mbolili bbotu!  
Bulangizi bwa nyika a lutangalo lwaku Julu.

Lino langa ku nzila eyi.

Ku Zina lya Jesu kukotama,  
Kuwa cakufugama ku matende Akwe,  
Mwaami wa bami ku Julu tuyo Mu samika  
musyini,  
Cindi lweendo lwesu lwakumana.  
Zina liyandisi, Oh mbolili bbotu! Oh mbolili  
bbotu!  
Bulangizi bwa nyika a lutangalo lwaku Julu;  
Zina liyandisi, O mbolili bbotu! Mbolili bbotu!  
Bulangizi bwa nyika a lutangalo lwaku Julu.

<sup>116</sup> Lino amuyeeye kkwaya yabana Neville, kapepele ka kkoteeti cifumo, WLRP, aa naini okuloko. Elyo Mukwesu Stricker wasika aa naini foote faiwi, Munsondo cifumo. Wali kumupangila buyo teepu masika aya, aamakani abubuke.

<sup>117</sup> Elyo eno, kusikila tuka swaangane alubo, zilongezya zya Mwami zibe andinywe, mbuli mbo kotamika mitwe yesu. Elyo Ndila lumba mweenzuma mubotu a mukwesu, Mukwesu Palmer, uuzwa ku Macon, Georgia, walombwa umwaisye bbunga eli mu majwi aa mupailo, kucindi notu komba. Mukwesu Palmer. 

*I BULONDOSI* TNG57-0419  
(The Perfection)

MATOBELANWA AALUBUKULUSYO LWA PASIKA

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Muli Bwasanu Mubotu mangolezya, Mukubwekaangala 19, 1957, ku Branham Tabernacle mu Jeffersonville Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)